

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Zakonodavno - pravna komisija

Broj: 02/2-02-832/26
Sarajevo, 17. 3. 2026. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 21-04-2026			
Org. jed.	Broj	Priloga	Vrijednost

Na osnovu člana 46. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine, na 23. sjednici održanoj 17. marta 2026. godine, razmatrala je:

1. Prijedlog zakona o dopuni Zakona o bankama – hitni postupak,
2. Prijedlog Zakona o elektronskom novcu - hitni postupak,
3. Prijedlog zakona o izmjenama Zakona o obaveznim osiguranjima u saobraćaju – skraćeni postupak,
4. Prijedlog zakona o izmjenama i dopunama Zakona o jedinstvenim načelima i okviru materijalne podrške licima sa invaliditetom u Federaciji Bosne i Hercegovine - skraćeni postupak,
5. Prijedlog zakona o izmjenama i dopunama Zakona o deviznom poslovanju,
6. Prijedlog zakona o izmjenama i dopunama Zakona o leasingu,
7. Prijedlog zakona o doživotnoj naknadi zaslužnim sportistima u Federaciji Bosne i Hercegovine (predlagačica: Silva Banović, delegatkinja u Domu naroda),i
8. Nacrt zakona o dopunama Zakona o pravima, obavezama i odgovornostima pacijenata u Federaciji Bosne i Hercegovine (predlagačica: Miomirka Melank, delegatkinja u Domu naroda),

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći

IZVJEŠTAJ

1. Prijedlog zakona o dopuni Zakona o bankama – hitni postupak

Ustavni osnov za donošenje Zakona o dopuni Zakona o bankama sadržan je u članu III. 1. tačka c) koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije Bosne i Hercegovine i fiskalna politika Federacije Bosne i Hercegovine, a Parlament Federacije Bosne i Hercegovine, uz ostale ovlasti predviđene Ustavom, odgovoran je za donošenje zakona o vršenju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i nema primjedbi na Prijedlog zakona o dopuni Zakona o bankama, ali nije postignuta saglasnost da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju. Komisija predlaže Domu naroda da Prijedlog zakona o dopuni Zakona o bankama razmatra po redovnom postupku.

2. Prijedlog Zakona o elektronskom novcu - hitni postupak

Ustavni osnov za donošenje Zakona o elektronskom novcu sadržan je u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije Bosne i Hercegovine, uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju

ZAKLJUČAK II

Komisija je u općem pretresu utvrdila da postoji ustavni osnov i nema primjedbi na Prijedlog zakona o elektronskom novcu – hitni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

3. Prijedlog zakona o izmjenama Zakona o obaveznim osiguranjima u saobraćaju – skraćeni postupak

Nakon uvodnog izlaganja od strane predlagača, vođena je rasprava o Prijedlogu zakona o izmjenama Zakona o obaveznim osiguranjima u saobraćaju – skraćeni postupak, u kojoj su učestvovali članovi Komisije, ali nisu postigli saglasnost o tome da li postoji ustavni osnov za donošenje ovog zakona.

4. Prijedlog zakona o izmjenama i dopunama Zakona o jedinstvenim načelima i okviru materijalne podrške licima sa invaliditetom u Federaciji Bosne i Hercegovine - skraćeni postupak

Ustavni osnov za donošenje ovog zakona sadržan je u odredbama člana III.2.e), u vezi sa članom III.3.(3). Ustava Federacije Bosne i Hercegovine, kojim je utvrđeno da federalna vlast ima pravo utvrđivati politiku i donositi zakone koji se tiču socijalne politike. Prema odredbama člana III.2.e) i člana III.3. (1) i (2) Ustava Federacije Bosne i Hercegovine, federalna vlast i kantoni su zajednički nadležni za socijalnu politiku u koju oblast spada i zaštita lica sa invaliditetom. Tu nadležnost ostvaruju zajednički ili odvojeno, ili od strane kantona koordinirano od federalne vlasti. U pogledu ovih nadležnosti kantoni i federalna vlast dogovaraju se na trajnoj osnovi. Kantoni u ovoj oblasti imaju pravo utvrđivati politiku i provoditi zakone (član III.3.(4)), kao i provoditi socijalnu politiku i uspostavljati službe socijalne zaštite (član III.4.j).

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 164. Poslovnika o radu Doma naroda Parlamenta Federacije Bosne i Hercegovine, kojim je propisano da kada nije u pitanju složen i obiman zakon, podnositelj prijedloga zakona može umjesto nacрта da podnese prijedlog zakona i da predloži da se prijedlog zakona razmatra po skraćenom postupku bez nacрта zakona.

ZAKLJUČAK II

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama i dopunama Zakona o jedinstvenim načelima i okviru materijalne podrške licima sa invaliditetom u Federaciji Bosne i Hercegovine - skraćeni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

5. Prijedlog zakona o izmjenama i dopunama Zakona o deviznom poslovanju

Ustavni osnov za donošenje Zakona o izmjenama i dopunama Zakona o deviznom poslovanju sadržan je u članu III. 1. tačka c) koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije Bosne i Hercegovine i fiskalna politika Federacije Bosne i Hercegovine, a Parlament Federacije Bosne i Hercegovine, uz ostale ovlasti predviđene Ustavom, odgovoran je za donošenje zakona o vršenju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama i dopunama Zakona o deviznom poslovanju, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

6. Prijedlog zakona o izmjenama i dopunama Zakona o leasingu

Ustavni osnov za donošenje Zakona o izmjenama i dopunama Zakona o lizingu sadržan je u članu III. 1. tačka c. koji je izmijenjen amandmanima VIII, LXXXIX i CVI i članu IV.A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije Bosne i Hercegovine, uz ostale ovlasti predviđene Ustavom, odgovoran je za donošenje zakona o obavljanju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama i dopunama Zakona o izmjenama i dopunama Zakona o leasingu, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

7. Prijedlog zakona o doživotnoj naknadi zaslužnim sportistima u Federaciji Bosne i Hercegovine (predlagačica: Silva Banović, delegatkinja u Domu naroda)

Ustavni osnov za donošenje Zakona o doživotnoj naknadi zaslužnim sportistima u Federaciji Bosne i Hercegovine sadržan je u odredbama člana III 2. e) u vezi sa članom III 3. (3) i člana III (4) Ustava Federacije Bosne i Hercegovine, kojim je utvrđeno da federalna vlast, uzimajući u obzir kantonalne nadležnosti, različite situacije u pojedinim kantonima i potrebu za fleksibilnošću, ima pravo utvrđivati politiku i donositi zakone koji se tiču svake od nadležnosti, kao i socijalne politike, a koji u skladu sa potrebama mogu biti ostvareni zajednički ili odvojeno, ili od strane kantona koordinirano od federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i nema primjedbi na Prijedlog zakona o doživotnoj naknadi zaslužnim sportistima u Federaciji Bosne i Hercegovine (predlagačica: Silva Banović, delegatkinja u Domu naroda), te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

8. Nacrt zakona o dopunama Zakona o pravima, obavezama i odgovornostima pacijenata u Federaciji Bosne i Hercegovine (predlagačica: Miomirka Melank, delegatkinja u Domu naroda),

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da ne postoji ustavni osnov za donošenje ovog zakona.

PREDSJEDNIK KOMISIJE

Haris Zahiragić

